



長相思

西湖夜醉

湖山橫湖水平買箇湖船一葉輕傍湖隨柳行  
清秋月明誰搗秋砧烟外聲悲秋無盡情

鷓鴣天

發舟安康朋遊見留往復三用韻

芳草萋萋入眼濃一年花事又怱怱吐舒桃臉今朝雨  
零落梅妝昨夜風雲接野水連空畫欄十二倚誰同  
兩眉新恨無分付獨立蒼苔數落紅

又

夢遶天涯去意濃客愁春恨兩怱怱綠波初漲桃花浪  
畫鷁輕隨柳絮風無筆力判虛空關山千里兩心同

魚書雁字都休問只看啼痕翠袖紅

又

山色都如歸興濃春融融處客匆匆岸花影裏鶯吟霧  
江閣陰中燕受風 凭畫楯睇層空情衷待說幾時同  
不如且盡尊中綠圖得醺然醉臉紅

菩薩戀 杏花

昨日杏花春滿樹今晨雨過香填路零落軟臙脂濕紅  
無力飛 轉頭春易去春色歸何處待密與春期春歸  
人也歸

浣溪沙

送連景昭歸三山

來日江頭柳帶香去時籬下菊花黃人生離別幾淒涼  
拂面紅塵飛冉冉背人白日去堂堂尺書休負雁南  
翔

糖多令

登多景樓

何處浣離憂消除許大愁望長江衮衮東流一去鄉關  
能幾日纔屈指又中秋 蘆葉滿汀洲沙磯小艇收醉  
歸來明月江樓欲把情懷輸寫盡終不似少年遊

小重山

春水東流一葦杭春情剪不斷漢江長江花江草爲誰  
芳渾不似沙暖睡鴛鴦 且道不思量怕他知得後痛

聞詞鈔  
肝腸路遙天闊水茫茫成病也教我怎禁當

行香子 鄱陽烹魚

雪白肥鱸墨黑脩鮎柳穿腮小大相兼金刀批鱸鮮活  
甘甜或時燻或時煮或時醃 擅腕佳人玉手纖纖縷  
銀絲取意無厭羹須澹煮滋味重添滴兒醢呷兒酒撮  
兒鹽

臨江仙

人在空江烟浪裏葉舟輕似浮漚此心無怨也無憂漢  
江迷望眼袞袞直東流 兩岸荻蘆青不斷四山岡領  
綢繆晚風吹袂冷颼颼誰知三伏暑全似菊花秋

漁家傲 白湖觀捕魚

漢水悠悠還漾漾漁翁出沒穿風浪千尺絲綸垂兩槩  
收又放月明長在烟波上 釣得活鱗鱖縮項筍成玉  
液香浮盞醉到自歌歌自唱輕裊纜碧蘆紅蓼清灘傍

菩薩蠻 鄂渚岸下

烟汀一抹蒹葭渚風亭雨下荷華浦月色漾波浮波流  
月自留 若耶溪上女兩兩三三去睂黛斂羞娥採菱  
隨櫂歌

虞美人

寒來暑往何時了世故催人老一人口插幾張匙何用

波波劫劫沒休時 饑來喫飯困來睡莫把身爲累誰  
能較短與量長落葉西風一夢熟黃梁

賀新郎 送鄭材卿

莫向愁人說嘆人生不如意事十常七八是則中年傷  
懷抱客裏何堪送客又添取一襟悽咽岸柳凋零秋容  
澹黯銷凝怎忍輕攀折重會面甚時節 杏花麗日梅  
花雪記當時一觴一詠楚雲湘月別後君休勞春夢轉  
眼江南塞北莫謾被閑愁縈結且判離筵今夕醉霎時  
間便見蘭舟發空悵望水雲闊

右天一閣抄本

留元崇

泉州人字積翁寶慶中充廣東安撫司幕官

菩薩蠻

江頭日落孤帆起歸心拍拍東流水山遠不知名爲誰  
迢遞青 危橋來處路尙帶瀟湘雨楚尾與吳頭一生  
離別愁

右陽春白雪

留元剛

永春人字茂潛開禧元年舉博學宏詞仕至秘閣校理直學士有雲麓集

滿江紅

泛舟武夷午炊仙遊館次呂居仁韻

風送清篙泐流沂武夷九曲回首處虹橋無復慢亭遺  
屋翠壁雲屏臨釣石銀河雪瀑飛寒玉想當年鐵笛倚

林吹秋空綠 寒荇帶捲筇竹披荷芰餐椒菊問丹崖  
碧嶺底堪重辱青笈不妨娛老眼烏靴未許污吾足恰  
仙遊一枕夢醒來胡麻熟

右陽春白雪

廖瑩中

邵武人字羣玉賈似  
道門客賈敗自戕

箇儂

恨箇儂無賴賣嬌眼春心偷擲沙軟芳堤苔平蒼逕却  
印下幾弓纖跡花不知名香才聞氣似月下篴篥蔣山  
傾國半解羅襦蕙熏微度鎮宿粉栖香雙蝶語態眠情  
感多時輕留細閱休問望宋墻高窺韓路隔 尋尋覓

覓又暮雨遙峯凝碧花逕橫烟竹扉映月儘一刻千金  
堪值卸袿熏籠藏燈衣桁任裏臂金斜搔頭玉滑更怪  
檀郎惡憐深惜幾顛彈周旋傾側碾玉香鉤甚無端鳳  
珠微脫多少怕聽曉鐘瓊釵暗擘

右 欽定詞譜

翁孟寅

字賓暘彥國孫原籍崇安靖康之變彥國時  
爲江淮荆浙制置使提兵勤王康王開大元

帥府首赴行在父謙之進士寄  
居臨安孟寅遂領臨安鄉薦

齊天樂 元夕

紅香十里銅駝夢如今舊遊重省節序飄零歡娛老大  
慵立燈光蟾影傷心對景怕回首東風雨晴難準曲巷

幽坊管絃一片笑聲近  
飛棚浮動翠葆看金釵半溜  
春如紅粉鳳輦鰲山雲收霧歛迤邐銅壺漏迴霜風漸  
緊展一幅青綃淨懸孤鏡帶醉扶歸曉醒春夢穩

燭影搖紅

樓倚春城瑣窗曾共巢春燕  
人生好夢逐春風不似楊花健  
舊事如天漸遠奈情絲牽愁未斷  
鏡塵埋恨帶粉栖香曲屏寒淺  
環珮空歸故園羞見桃花面  
輕烟殘照下闌干  
獨自疏簾捲一信狂風又晚  
海棠花隨風滿院亂鴉歸後  
杜宇啼時一聲聲怨

阮郎歸

月高樓外柳花明  
單衣怯露零  
小橋燈影落殘星  
寒烟蘸水萍  
歌袖窄舞鬟輕  
梨花夢滿城  
落紅啼鳥兩無情  
春愁添曉醒

右絕妙好辭

齊天樂

幽香不受春料理  
青青尙餘秋髻  
曲巖隈烟梳露浴  
甘與菰蒲共隱  
芳標瘦迴看纓結  
丁香帶紫晴荇恨水  
東流楚江憔悴亂雲暝  
淒涼夢遊故苑  
縱妬花風暴吹  
夢難醒  
艷杏天桃紆青佩  
紫爭似廣文官冷  
塵波萬頃算誰是同心  
自憐孤影收斂  
風流素絃清夜永

右陽春白雪

金

吳激

建州人字彥高宋侍郎吳棫子米芾婿使金被留歷官翰林待制出知深州有東山集

八月圓

宴張侍御家為故宮人賦

南朝千古傷心事猶唱後庭花舊時王謝堂前燕子飛  
向誰家 恍然一夢仙肌勝雪宮髻堆鴉江州司馬青  
衫淚濕同是天涯

訴衷情

夜寒茆店不成眠殘月照吟鞭黃花細雨時候催上渡  
頭船 鷗似雪水如天憶當年到家應是童稚牽衣笑  
我華顛

春從天上來

會寧府遇老姬感賦

海角飄零歎漢苑秦宮墜露飛螢夢回天上金屋銀屏  
歌吹競舉青冥問當時遺譜有絕藝鼓瑟湘靈促哀彈  
似林鶯嚦嚦山溜泠泠 梨園太平樂府醉幾度春風  
髻變星星舞破中原塵飛滄海風雪萬里龍庭寫胡笳  
幽怨人憔悴不似丹青酒微醒對一窻涼月燈火青燐

滿庭芳

中秋

誰挽銀河青冥都洗故教獨步蒼蟾露華仙掌清淚向  
人霑畫棟秋風嫋嫋飄桂子時入疎簾冰壺裏雲衣霧  
髻掬水弄春纖 厭厭成勝賞銀槃潑汞寶鑑披匳待



不放楸梧影轉西檐坐上淋漓醉墨人人看老子掀髯  
明年會清光未減白髮也休添

風流子

書劍憶遊梁當時事底處不堪傷蘭楫嫩漪向吳南浦  
杏花微雨窺宋東墻鳳城外燕隨青步障絲惹紫遊韉  
曲水古今禁烟前後暮雲樓閣春草池塘 回首斷人  
腸年芳但如霧鏡髮成霜獨有螳尊陶寫蝶夢悠揚聽  
出塞琵琶風沙浙瀝寄書鴻雁烟月微茫不似海門潮  
信能到潯陽

右中州樂府

青玉案

警悟

人生南北如岐路世事悠悠等風絮造化小兒無定據  
翻來覆去倒橫直豎眼見都如許 伊周事業何須慕  
不學淵明便歸去坎止流行隨所寓玉堂金馬竹籬茆  
舍總是無心處

木蘭花慢

敞千門萬戶瞰滄海爛銀盤對沉瀣樓高儲胥雁過墜  
露生寒闌干眺河漢外送浮雲盡出衆星乾丹桂霓裳  
縹緲似聞雜佩珊珊 長安底處高城人不見路漫漫  
歎舊日心情如今容髻瘦沈愁潘幽歡縱容易得奈佳

期動是隔年看歸去江湖一葉浩然對影垂竿

右花草粹篇

元洪希文 莆田人字汝執有續軒渠集

浣溪紗

丈室蕭條似病禪打窗風雨罷吟箋歸心一點落燈前  
猶有十三樓上酒可無三百杖頭錢一年心老一年

年

右詞綜

福建士子

卜算子 西湖遺舊

月在小樓西雞唱霜天曉淚眼相看話別時把定纖纖  
手伊道不忘记人伊却都忘了我若無情似你時瞞不

過橋頭柳

右花草粹篇

外方葛長庚 閩清人字如晦號瓊瑄祖有興司訓瓊州  
紹興初生於瓊父歿隨母適白氏冒其姓

稱白玉蟾幼敏慧應神童科後屢試不售棄去入  
羅浮學道遇陳翠虛授丹訣晚居武夷復葛姓嘉  
定中召入賜號紫清明道真人館太乙  
宮久之忽不知所往有海璠集詞附

蘭陵王 題筆架山

三峯碧縹緲烟光樹色高寒處上有猿啼鶴唳天風夜  
蕭瑟山形似筆格人道江南第一遊紫觀月殿星壇積

翠樓前吹鐵笛 客來訪靈蹟聞王郭當年曾此駐錫  
二仙爲謁浮邱伯從驂鸞去後雲深難覓丹爐灰冷杵  
聲寂依然舊泉石 泉石最幽闌更禽靜花閑松茂竹  
密清都絳闕無消息共羽衣揮塵感今懷昔堪嗟人世  
似夢裏駒過隙

又 紫元席上作

桃花瘦寒食清明前後新燕子禁得餘寒風雨把人苦  
僝僽梅粒今如豆減却春光多少空自有滿樹山茶似  
語如愁臥晴晝 幽人展襟袖惜鶯花未老江山如舊  
杜鵑聲裏同攜手歎陌上芳草堤邊垂柳一春十病九  
因酒愁來獨搔首 豆蔻枝頭小應可惜年華孤負時  
候九十韶光那得久問芍藥覓醉牡丹索笑三萬六千  
能幾度君知否

沁園春

嫩雨如塵嬌雲似織未肯便晴見海棠花下飛來雙燕  
垂楊深處啼斷孤鶯綠砌苔香紅橋水暖笑撚吟髭行  
復行幽尋嬾就半窗殘睡一枕初醒 銷凝次第清明  
杳南北東西草又青念鏡中勲業韶光苒苒尊前今古  
銀髮星星青鳥無憑丹霄有約獨倚東風無限情誰知  
有這春山點點杜宇千聲

又

暫聚如萍忽散似雲無可奈何向天涯海角兩行別淚  
風前月下一片離騷啼罷棲鳥望窮芳草此恨與之誰  
較多昏黃後對青燈感慨白酒悲歌 夢中作夢知麼  
憶往事落花流水呵更凭高望遠沈腰更瘦悵今懷昔  
潘鬢須皤去燕來鴻尋梅問柳寸念從他寒暑熬銷魂  
處但烟光縹緲山色週遭

又

送王侍郎帥三山

錦繡文章珪璋聞望碧落侍郎昨履聲漸近星辰避次  
竹符重剖湖海生光委羽天空石橋水冷每爲泉生時

雨滂君知否是民心襦袴吏膽冰霜 少須召入鵷行  
也不念無人荷紫囊有本朝曾旦移春手段舊家義獻  
補月心腸此去三山却登八座已準金甌姓字香還朝  
處看雙鳧作對五馬成行

又寄鶴林

三逕就荒松菊猶存歸去來兮歎折腰爲米棄家因酒  
往之不諫來者堪追形役奚悲途迷未遠今是還知悟  
昨非舟輕漾問征夫前路晨色熹微 歡迎童稚嘻嘻  
羨出岫雲閑鳥倦飛有南窗寄傲東臯舒嘯西疇春事  
植杖耘耔矯首遐觀壺觴自酌尋壑臨流聊賦詩琴書

外且樂天知命復用何疑

又

乍雨還晴似寒而暖春事已深是婦鳩乳燕說教魚躍  
豪蜂醉蝶撩得鶯吟鬪茗分香脫單衣袂回首清明上  
巳臨芳菲處在梨花金屋楊柳瑤林 如今詩酒心襟  
對好景良辰如有姪念恨如芳草知他多少夢和飛絮  
何處追尋病酒時光困人天氣早有秋秧吐嫩針蘭亭  
路漸流觴曲水修禊山陰

又

吹面無寒沾衣不濕豈不快哉正杏花雨嫩紅飛香砌

柳枝風軟綠映芳街燕似談禪鶯如演史猶有海棠連  
夜開清明也尙陰晴莫準蜂蝶休猜 朝來應問蒼苔  
甚幾日都成錦繡堆念四方賓友不堪渭樹一年春事  
已屬庭槐宿酒難醒多情易老爭奈傳杯不放杯如何  
好看秋千戲劇蹴踘詠諧

又 羅浮

且說羅浮自從石洞水簾以還是向時景泰初來卓錫  
舊家句扇曾此修丹藥院空存鐵橋如故上更有朱仙  
朝斗壇飛雲頂在石橋高處杳靄之間 山前拾得清  
閑也分我烟霞數畝寬自竹橋人去青蓮馥郁柴門閉

了綠柳回環白酒初篘清風徐至有桃李時新釘幾盤  
仙家好這許多快活做甚時官

又 題湖頭嶺菴

客裏家山記踏來時水曲山崖被灘聲喧枕雞聲破曉  
匆匆驚覺依舊天涯抖擻征衣寒欺曉袂回首銀河西  
未斜塵埃債嘆有如此髮空爲伊華 古來客况堪嗟  
儘貧也輸他貧在家料驛舍旁邊月痕白處暗香微度  
應是梅花揀折一枝路逢南雁和兩字平安寄與他教  
知道有長亭短堠五飯三茶

水龍吟

層巒疊嶂浮空斷崖直下分三井蒼苔路古鹿鳴芝澗  
猿號松嶺露浥鳳簫烟迷枸杞綠深翠冷笑攜筇一到  
登高眺遠是多少仙家景 長念青春易老尙區區枯  
蓬斷梗人間天上喟然俯仰隻身孤影世事空花春心  
泥絮此回還省向瑤臺雙闕結間茆屋坐坐千峯頂

又 采藥逕

雲屏漫鎖空山寒猿啼斷松枝翠芝英安在木苗已老  
徒勞屐齒應記洞中鳳簫錦瑟鎮長歌吹悵蒼苔路杳  
石門信斷無人問溪頭事 回首暝烟無際但紛紛落  
花如淚多情易老青鸞何處書成難寄欲問雙娥翠蟬

金鳳向誰嬌媚想分香舊恨劉郎去後一溪流水

十二時 鶴林作

素馨花在枝無幾秋入闌干十二那茉莉如今已矣只  
有蘭英菊蕊霜蟬年時香橙天氣總是悲秋意問宋玉  
當日如何對此淒涼風月怎生存濟 還未知幽人心  
事望得眼穿心碎青鳥不來彩鸞何處雲鎖三山翠是  
碧霄有路欲歸歸又無計 奈何他水長天遠身又何  
曾生翅手撚芙蓉耳聽鴻雁怕有丹書至縱人間富貴  
一歲復一歲此心終日繞香盤在篆畦兒裏

瑞鶴仙

殘蟾明遠照政一番霜訊四山秋老孤村帶清曉有鳴  
鞭歸騎亂林啼鳥青帘縹緲懶行時持杯自笑甚年來  
破帽凋裘慣得淡烟芳草 多少客愁羈思雨泊風餐  
水邊雲杪西窗正好疎竹外粉墻小念歸期相近夢魂  
無耐不爲羅衾寒悄悄無人料理黃花等閑過了

祝英臺近

月如酥天似玉長嘯弄孤影十二樓臺昨夢暗尋省自  
憐露滿衣襟風吹毛髮悄無寐寒宵漏永 捧香鼎翻  
起一片龍涎梅花對人冷庭戶冰清何處鶴聲警少時  
燭暗梧窻烟生苔砌曉鐘動忽然心醒

水調歌頭 咏茶

二月一番雨昨夜一聲雷槍旗爭展建溪春色占先魁  
採取枝頭雀舌帶露和烟搗碎煉作紫金堆碾破香無  
限飛起綠塵埃 汲新泉烹活火試將來放下兔毫甌  
子滋味舌頭回喚醒青州從事戰退睡魔百萬夢不到  
陽臺兩腋清風起我欲上蓬萊

喜遷鶯 鶴林作

吾家何處對落日殘鴉亂花飛絮四海五湖千巖萬壑  
已把此生分付怎得海棠心緒更沒鴛鴦債負春正好  
嘆流光有限老山無數 歸去君試覷紫燕黃鸝愁怕

韶華暮細雨斜風斷烟芳草暑往寒來幾度鎖却心猿  
意馬縛住金烏玉兔今古事似一江流水此懷難訴

水調歌頭

草漲一湖綠天貢四山青這千年裏幾多興廢不容聲  
無分貂金佩玉不夢歌鐘食鼎何處有車旌但念旌陽  
劍枉自染蛟腥 生諸葛少馬援尙雲萍醉鄉日月飄  
然身世付劉伶知道東門黃犬不及西山白鷺風月了  
平生起來忽清嘯驚落夜潭星

又

杜宇傷春去胡蝶喜風清一犁梅雨前村布穀正催耕



天際銀蟾映水谷口錦雲橫野柳外亂蟬鳴人在斜陽  
裏幾度晚鴉聲 采楊梅摘盧橘飮朱櫻奉陪諸友今  
宵爛飲過三更同入醉中天地松竹森森翠幄酣睡綠  
苔茵起舞弄明月天籟奏簫笙

又

一箇江湖客萬里水雲身鳥啼春去烟光樹色正黃昏  
洞口寒泉漱石嶺外孤猿嘯月四顧寂無人夢魂歸碧  
落淚眼看紅塵 烟濛濛風慘慘黯銷魂南中諸友而  
今何處問浮萍青鳥不來松老黃鶴何之石爛歎世一  
傷神回首南柯夢靜對北山雲

又

昔在虛皇府被謫下人間笑騎白鶴醉吹鐵笛落星灣  
十二玉樓無夢三十六天夜靜花雨洒琅玕瑤臺歸未  
得忍聽洞中猿 也休休無情緒煉金丹從來天上神  
仙官府更嚴難翻憶三千神女齊唱霓裳一曲月裏舞  
青鸞此恨憑誰訴雲滿武夷山

又

誤觸紫清帝謫下漢山川既來塵世奇奇怪怪被人嫌  
嬾去蓬萊三島且看江南風月一住數千年天風自霄  
漢吹到劍峯前 做些詩喫些酒放些顛木精石怪時

時喚作地行仙朝隱四山猿鶴夜枕一天星斗紙被裏  
雲眠夢爲胡蝶去依約在三天

又 中元後風雨有感

一葉飛何處天地起西風夜來酒醒月華千頃浸簾櫳  
塞外賓鴻來也十里碧蓮香滿澤國蓼花紅萬象正蕭  
爽秋雨滴梧桐 釣臺邊人把釣興何濃吳江波上烟  
寒水冷染丹楓光景暗中催去覽鏡朱顏猶在回首鷺  
巢空鐵笛一聲曉喚起玉淵龍

又

江上春山遠山下暮雲長相留相送時見雙燕語風檣

滿目飛花萬點回首故人千里把酒沃愁腸回雁峯前  
路烟樹正蒼蒼 漏聲殘燈焰短馬蹄忙浮雲飛絮一  
身將影向瀟湘多少風前月下迤邐天涯海角魂夢亦  
淒涼又是春將暮無語對斜陽

滿江紅 武夷

憶昔秦時中秋日武夷九曲烟寂寂斜陽數尺寒鷗枯  
木三十六峯凝曉翠一溪流水生秋綠正滿林桂子散  
天香飛金粟 神仙客金丹熟玉詔下雲生足巖頭新  
換骨尙枯紅肉夜半月華明似畫玉皇降輦陳穀餽笑  
曾孫回首幔亭前空松竹

又白蓮

昨夜姮娥遊洞府醉歸天闕緣底事玉簪墜地水神不  
說持向水晶宮裏去曉來捧出將饒舌被薰風吹作滿  
天香誰分別 芳而潤清且潔白似玉寒於雪想玉皇  
後苑應無此物只得賦詩空歎賞教人不敢輕攀折笑  
李粗梅瘦不如他真奇絕

又聽陳元舉琴

樹色溟濛山烟暮鳥歸日落憑闌處眼空宇宙心遊碧  
落古往今來天地裏人間那有揚州鶴幸而今天付與  
青山甘寥寞 好花木多巖壑得蕭散耐淡泊把他人

比並我還不錯一曲瑤琴知此意從前心事都忘却况  
新秋不飲更何時何時樂

又別鶴林

明日如今我已是天涯行客相別後麻姑山上齊雲亭  
側幾箇黃昏勞夢想幾宵皓月遙思憶與二仙不但此  
今生皆疇昔 頻到此歡無極今去也來無的念浪萍  
風絮東西南北七八年中相契密三千里外來將息悵  
金丹未就玉天遼還悽惻

又

鈞天高處元自有瓊樓玉闕又那更九霞隱映五雲陡

絕八面玲瓏光不夜四圍晃耀寒如月有廣寒宮殿隱  
姮娥冰壺潔 飄飄去天風烈星河外花飛雪見三千  
神女尊前一闕來到人間渾似夢未能歸去空悲咽問  
仙都此去幾由旬歸心熱

又 贈豫章尼黃心大師賞爲官妓

豆蔻丁香待則甚如今休也爭知道本來面目風光瀟  
灑底事到頭鸞鳳侶不如躲脫鴛鴦社好說與幾箇正  
迷人休嗟訝 紗窗外梅花下酒醒耳教人怕把翠雲  
剪却緇衣披挂柳翠已參彌勒了趙州要勘臺山話想  
而今心似白芙蓉無人畫

### 摸魚兒

問滄江舊盟鷗鷺年來景物誰主悠悠客鬢知何似吹  
滿西風塵土渾未悟漫自許功名談笑侯千戶春衫戲  
舞怕三逕都荒一犁未把猿鶴笑君誤 君且住未必  
心期盡負江山秋事如許月明風靜蘋花路欹枕試聽  
鳴鶻還又去道喚取陶泓要草歸來賦相思最苦是野  
水連天鳴榔四起蓑笠占烟雨

洞仙歌 鶴林賦梅

南枝漏洩一點春光別無蝶無蜂正霜雪向竹梢疎處  
瘦影橫斜真箇是瀟灑冰肌玉骨 黃昏人靜踏碎堦

前月忍凍相看惜攀折巡檐空索笑似笑無言夜悄悄  
香入寒風清冽更那堪畫角惱幽人又滿地落英愁腸  
萬結

滿庭芳 和韻

百雉城邊亂花深處竹間一笑雙清天公解事爲我弄  
陰晴雨過槐陰綠淨女牆外楊柳絲輕堪嗟惜詩尤酒  
殢鏡裏失青春 清和如許在鶯鶯燕燕相與忘情謫  
仙風度命代萬人英遊戲琴棋書畫人間世別有方瀛  
醅醕後元裳效舞所欠董雙成

瑤臺月

烟霄凝碧問紫府清都今夕何夕桐陰下幽情遠與秋  
無極念陳跡虎殿虬宮記往事龍簫鳳笛露華冷蟾光  
白雲影淨天籟息知得是蓬萊不遠身無羽翼 廣寒  
宮舞徹霓裳白玉臺歌罷瑤席爭不思下界有人岑寂  
羨博望兩泛仙槎與曼倩三偷桃實把丹鼎暗融液乘  
雲氣醉揮斥嗟惜但城南老樹人誰我識

永遇樂

懶散家風清虛活計與君說破淡酒三杯濃茶一盞靜  
處乾坤大倚籐臨水步履登山白日只隨緣過自歸來  
曲肱隱几但祗恁和衣臥 柴扉草戶包巾紙襖未必

有人似我我醉還歌我歌且舞一恁憨癡好綠水丹山  
清風明月自有人間仙島且俛隨補破遮寒燒楫楸火  
好事樂  
行到竹林頭探得梅花消息冷蕊疎英如許更無人知  
得 冰枯雪老歲年徂俯仰自嗟惜醉臥梅花影裏有  
何人相識

又

何事雁來遲獨步秋園默默莫恨桂花開盡有菊花堪  
惜 回頭顧影背斜陽聽西風蕭瑟無限詩情酒思那  
早梅知得

桂枝香

樓前凝望見水滿一溪雲滿千嶂將晚欲行無緒欲眠  
無况巖花岸草春無極倚東風忽然惆悵淡烟飛過幽  
禽叫斷遠鐘嘹亮 爲底事沈吟一晌念隻影漂浮寸  
心虛曠無限遊絲落絮此懷難狀江湖淮海行將遍覺  
詩腸酒膽超暢一邱一壑歸來念我舊家天上

南鄉子

愛閣賦別二首

夜月照千峯影滿荷池靜裊風明日今宵還感慨梧桐  
葉葉隨雲颺碧空 聚散與誰同野鶴孤雲有底蹤別  
後要知相憶處無窮總在青山夕照中

又

前度幾相逢此日遊從樂不同竹閣荷亭歡聚處雍容  
如在蓬萊第一宮 夜半月朦朧秉燭東園風露中明  
日匆匆還入泐忡忡却把音書寄遠鴻

霜天曉角

綠淨堂

五羊安在城市何曾改十萬人家闐闐東亦海西亦海  
歲歲蒲澗會地接蓬萊界老樹知他一劔千山外萬  
山外

賀新郎

且盡杯中酒問平生湖海心期更如君否渭樹江雲多

少恨離合古今非偶更風雨十常八九長缺歌彈明月  
墮對蕭蕭客鬢閑攜手還怕折渡頭柳 小樓夜久微  
涼透倚危闌一池倒影半空星斗此會明年知何處蘋  
末秋風未久漫輸與鷺朋鷗友已辦扁舟松江去與鱸  
魚莼菜論交舊應念此重回首

又

夢遶荷花國遍橘洲柳市芙蓉巷陌桂社蘭鄉白蘋里  
月冷波寒之夕有孤鷺落霞知得一鶴橫空雲漠漠見  
梅梢萬粒真珠滴猶未把寒香惜 畫樓何處吹瑤笛  
便酥鬢玉笑霧鬆霜瘳姑射仙人遊紫府下戲三江七

澤此莫是冰魂雪魄半逐風飛半墮水半在枝半落蒼  
苔白酒醒後曉窻碧

又雪

是雨還堪拾道非花又從簾外受風吹入撲落梅梢穿  
度竹恐是鮫人訴泣積至暮螢光熠熠色映萬山迷遠  
近滿空浮似片應如粒忘煉得我雙睫吟肩聳處飛  
來急故撩人粘衣喫袖嫩香堪挹細聽疑無仍復有貪  
看一行一立見僧舍茶烟飄濕天女不知維摩事漫三  
千世界繽紛集是剪水誰能及

又牡丹

曉霧須收霽牡丹花如人半醉擡頭不起雪凍作冰冰  
作水十朶未開三四又加以風禁雨制自是東吳春色  
盛儘移根換葉分黃紫所貴者稱姚魏 其間一種尤  
姝麗似佳人素羅裙在碧羅衫底中有一花邊兩蕊恰  
似裝成小字看不足如何可比白玉杯將青玉綠據晴  
香暖艷還如此微笑道有些是

又紫元席上作

飛盡桃花片倚東風高吟大嘯開懷消遣芍藥牡丹開  
未遍不道韶華如電無心向小庭幽院秉燭夜遊雖不  
倦奈一番風雨花容變春去也無人見 何處鶯啼啼



聞詩錄  
不斷探後園紅稀翠減青稠綠滿蝶在花間猶死戀早  
有行人搖扇故日要與春爲餞笑指白雲歸去好對夕  
陽瀉酒憑誰薦柳深處有雙燕

又 肇慶府送談金華張月窻

謂是無情者又何如臨岐欲別淚珠如洒此去蘭舟雙  
槳急兩岸秋山如畫況已是芙蓉開也小立西風楊柳  
岸覺衣單畧說些些話重把我袖兒把 小調做了和  
愁寫送將歸要相思處月明今夜客裏不堪仍送客平  
昔交遊亦寡况慘慘蒼梧之野未可淒涼休哽咽更明  
朝後日纔方卸情默默斜陽下

又 再送前人

風雨今如此問行人如何有得許多兒淚爲探木犀開  
也未只有芙蓉而已九十日秋光能幾千里送人須一  
別却思量我了思量你去則是住則是 歸歸我亦行  
行矣便行行不須回首也休縈繫一似天邊雙鳴雁一  
箇飛從東際那一箇又飛西際畢竟人生都是夢再相  
逢除是青霄裏却共飲却共醉

又 隰括菊花新

露白天如洗淡烟輕疎林映帶遠山橫翠對此情懷成  
甚也雲斷小樓風細獨倚遍畫闌十二花館雲窻成憔悴

聞詩金  
悴聽賓鴻天外聲嘹唳但不過悶而已 房櫳深靜難  
成寐夜迢迢銀臺絳蠟伴人垂淚巴得暫時朦朧地還  
又匆匆驚起漫自展雲箋錦字往後各收千張紙念夢  
勞魂役空凝睇終不負驂鸞志

又

倏又西風起這一年光景早過三分之二燕去鴻來何  
日了多少世間心事待則甚功成名遂楓葉荻花動涼  
思又尋思江上琵琶淚還感慨勞夢寐 愁來長是朝  
朝醉剗地成宋玉悲傷三閭憔悴况是淒涼寸心碎日  
斷水蒼山翠更送客長亭分袂閣皂山前梧桐雨起風

檣露舶無窮意君此去趁秋霽

又

一別蓬萊館看桑田成海又見松枯石爛目斷虛皇無  
極處安得殿頭宣喚指歸路鈞天早晚此去岡風三萬  
里但九霄縹緲青雲遠望不極空淚眼 瑤池昔會羣  
仙宴比秋來荻花楓葉令人悽惋滿面朱塵那忍見更  
酒病花愁何限知幾度春鶯秋雁從此飛神騰碧落向  
清都來往應無間丹漸熟骨將換

又

遙想陽明洞夜深時猿啼鶴唳露寒烟重家在神霄歸

未得十二玉樓無夢夢裏聽瑤琴三弄醉臥長安人不  
識晚秋天此意西風共黃金印吾何用 雲衢高策青  
鸞鞚把天書玉象留與世人崇奉垂手入鄜長是醉醉  
則從教懵懂那些子凝然不動一劒行空神鬼懼金粟  
兒日向丹田種把得穩任放縱

又 西湖作呈章判鎮留知縣

萬頃湖光綠是處裏芙蓉金盞木犀金粟鵝馭飄飄行  
水穀正是瓣香橙熟山色似風梳雨沐攜取阿嬌命豪  
傑過北山曠處南山曲寒烟淡晴鷗浴 巨觥數引蒼  
髯轟便論詩說劒人各有懷西北兩見西風客京國多  
名志在何時足更簪取一枝菊

又 別鶴林

昔在神霄府是上皇嬌惜便自酣歌醉舞來此人間不  
知歲仍是酒龍詩虎做弄得襟情如許俯仰紅塵幾今  
古算風燈泡沫無憑處卽有這烟霄路 淮山浙岸瀟  
湘浦一尋思柳亭楓驛淚珠濺俎此去何時又相會離  
恨縈人如縷更天也愁人風雨語燕啼鶯莫相管請各  
家占取閑亭塢人事盡天上去

又 賦西峯

又咏雪二首

俯仰天粘水盡山河大地光涵表裏一夜春風搜萬象檐外雨聲不已到曉來六花靡靡瑤樹琪林寒徹骨知誰家嬌女慵梳洗且捏箇小獅子瓊樓架就東皇喜

使玉龍戰罷柳棉飛起千古佳人詩句在一任如鹽似米君試看巖頭溪底利利塵塵銀世界記當年曾赴瑤池會玉清境還如此

又

銀漢千絲雨被東風作惡吹落滿空柳絮恰自江南消息斷纔此六花飛舞最好是鵝毛鶴羽萬頃平田三尺玉月明中不見沙頭鷺蒼烟裏一漁父鵲橋半夜寒雲如到晚來千巖萬壑了無認處極目四方銀世界五鳳樓前如許應自感傷心凝竚人在神霄玉清府小獅兒捏就無佳句騎汗漫好歸去

又贈紫元

月插青螺髻柳梢頭夕陽荏苒西風搖曳數粒蒼山粘  
遠漢樹色烟光紫翠飛騎氣半醒半醉劍跨秋空摩星  
斗指璫童不得鳴金轡恐驚動紫清帝 浮雲飛度蓬  
萊水憶山中松寒露冷猿啼鶴唳家在武夷巖谷裏一  
畝烟霞活計歎撚指人生百歲蘭晚芝田幾今古洞門  
前小鹿啣花戲不知有人間世

又白芍藥

靜看春容瘦未清明荼蘼避席薔薇出晝花裏流鶯罵  
桃李似與東風管勾怕虛度蘭亭時候我也別來天上

久向年時感歎湖山舊舊日事君知否 玉皇駕出清  
都曉就御前三千神女指揮八九化作花神下人世如  
把粉團捏就又一似玉盤在手莫是蕊珠親付囑教小  
心勸我杯兒酒也只得爲陪笑

又懷仙樓

極目颺塵表醉酣時樓中起舞樓前舒嘯坐見四山烟  
霧散是處落花啼鳥忽驚下九天星斗雙鶴飛來風露  
爽一聲聲清唳蒼松杪奈對景不釀酒 舊家三點蓬  
萊小有瑤臺雙闕長是香花繚繞鐵笛夜吹金劍吼恨  
此瀛洲路杳知幾度琪株春老閑倚朱闌思昨夢對江

山感慨無人曉但千里月華皎

柳梢青 海棠

一夜清寒千紅曉粲春不曾知細看何如醉時西子睡  
底楊妃 盡皆蜀種垂絲晴日暖熏成錦圍說與東風  
也須愛惜且莫教飛

又 寄鶴林

鶴使南翔詞珍翰綺誼暖情香如在瑤臺夢回初飲月  
液雲漿 風吹蘆葉冥茫夕照外山高水長遙想東樓  
琪花玉樹梅影昏黃

又 送溫守王侍郎帥三山

五馬風流銷金帳暖藥玉船寬放下荷囊攜來銅虎又  
舉熊幡 棠陰已接三山此列郡彼須大藩柳雪紫旗  
東風闌馬父老爭看

虞美人

蘋花零亂秋亭暮籬落江村路權歌搖曳釣船歸攪碎  
清風千頃碧琉璃 山脚初月明疎柳平野垂星斗莫  
辭沈醉伴孤吟他日江南江北兩關心

阮郎歸

淡烟凝翠鎖寒蕪斜陽挂碧梧沙頭三兩雁相呼瀟瀟  
風捲蘆 何處笛一聲孤岸邊人釣魚快船一夜泊桐

廬間人沽酒無

念奴嬌 梅

孤村籬落玉亭亭爲問何其清瘦欲語還愁誰索笑臨  
水嫣然自照甘受淒涼不求識賞風致何高妙松挨竹  
撈更堪霜雪儂憇爭奈終是冰肌也過了幾箇晴昏  
雨曉冷艷寒香空自惜後夜山高月小滿地蒼苔一聲  
哀角疎影歸幽渺世無和靖三花兩蕊不少

又 用東坡韵賦別

寄言天上石麒麟化作人間英物醉擁詩兵驅筆陳百  
萬詞鋒退壁世事空花賞心泥絮一點紅爐雪識時務

者當今惟有俊傑我本浩氣天成才逢知己便又清  
狂發富貴於我如浮雲且看雲生雲滅羊石論交鵝湖  
惜別別恨多於髮共君千里登樓何患無月

又 羅浮賦別

羅浮山下正秋高氣爽淒涼風物瘦落丹楓飛紫翠峭  
拔青山石壁容髯蕭疎詩腸清苦病骨如冰雪怒髯鐵  
立有懷不下三傑袖裏寶劍生寒中宵起舞引酒清  
歌發襟曲屢興猿鶴夢坐看月痕生滅露沁桃花雲籠  
芝草任長莓苔髮如今話別橙黃橘綠時月

又

舊家宋玉是何人，偏到秋來慘慘。細雨疎風，天氣冷離別，令人愁黯。檣燕飛歸，岸花吹送，自是生懷感。挑燈酌酒，平生明目張膽。二十年在江湖，楓亭柳驛，往事都曾覽。胸次可吞雲夢九，也沒塵埃一糝。木落山高，雲寒雁斷，水瘦溪痕減。不知把菊，又在何處軒檻。

又 送周舜美

道人於世已忘情，尙更區區餞別。棲碧先生，辭蕙帳、夜夜猿聲淒切。劒上星寒，琴中風慘，眉宇飛黃色。一杯判袂出門，烟水空闊。我今流落江南，朝朝還暮暮，千愁萬結。那更荻花楓葉景，又見長亭短驛。世事空花，人情

風絮山外雲千疊，君還到闕爲言蹤跡。風雪

又 春日

桃花開盡正溪南，溪北春風春雨寒。食清明都過了，愁煞一聲杜宇。醉跨蹇驢，踏翻芳草，滿滿斟鸚鵡。遊仙夢覺，不知身在何處。因甚青鳥不來，一年春事，撚指都如許。人在白雲流水外，多少鶯啼燕語。遣興成詩，烹茶解酒，日落薔薇塢。玉龍嘶斷，亂鴉驚起無數。

又 武昌懷古

漢江北瀉下長淮，洗盡胸中今古樓櫓。橫波征雁，遠誰見魚龍夜舞。鸚鵡洲雲，鳳凰池月，付與沙頭鷺。功名何



處年年惟見春絮 非不豪似周瑜壯如黃祖亦逐秋  
風度野草閑花無限數渺在西山南浦黃鶴樓人赤烏  
年事江漢亭前路浮萍無據水天幾度朝暮

行香子 羅浮洞

滿洞苔錢買斷風烟笑桃花流落晴川石樓高處夜夜  
啼猿看一更雲三更月五更天 細草如氈獨枕空拳  
與山麋野鹿同眠殘霞未散淡霧沈綿是晉時人唐時  
洞漢時仙

漢宮春 咏梅用李漢老韻

瀟灑江梅似玉妝珠綴密蕊疎枝霜風應是不許蝶近

蜂欺嫣然自笑與山礬共水仙期還亦有蒼松翠竹同  
經凜冽年時 何事向人如恨半蒼苔半倚臨水荒籬  
孤山嫩寒放曉尙憶前詩黃昏顧影說橫斜清淺今誰  
他自是移春手段微雲淡月須知

卜算子 景泰山用東坡韻

雲散雨初晴蟬噪林逾靜古寺敲鐘暮掩門燈映琉璃  
影 浩氣鎮長存昨夢還重省獨倚闌干嘯一聲毛髮  
蕭蕭冷

又

古寺枕空山樓上昏鐘靜饑鼠偷燈尾蘸油悄悄無人

影 長劔匣中鳴 今古深思省 此夕行藏獨倚樓 風雨  
淒淒冷

又

漁火海邊明 烟鎖千山靜 獨坐僧窗夜未央 寂寞孤燈  
影 感慨輒興懷 往事無人省 江漢飄浮二十年 一枕  
西風冷

鷓鴣天

雨過山花向晚香 烟絲空翠柳微茫 舊家丹竈何人葛  
今日簾泉阿老黃 犀角枕象牙牀 椰心織篔簹 畫生涼  
盃行無算 何曾醉不覺 羅浮日月長

蝶戀花

愛闌

冷雨疎風涼漠漠 雲去雲來 萬里秋陰薄 笑倚玉闌呼  
白鶴 烟籠素月青天角 竹影松聲渾似昨 醉膽如天  
誰道詞源涸 滿地蒼苔霜葉落 今宵不飲何時樂

又

綠暗紅稀春已暮 燕子啣泥 飛入誰家去 柳絮欲停風  
不住 杜鵑聲裏山無數 白馬青衫無定據 好底林泉  
信脚隨緣 寓拚却此生心已許 一川風月聊爲主

又

樓上風光都占斷 樓下風光還許 詩人管管領風光 誰

是伴一堤楊柳開青眼 波影琉璃花影亂玉筍持杯  
畫舸歌聲顛醉裏尋春春不見夕陽芳草連天遠

楊柳枝

接碎梅花一斷腸送斜陽風烟縹緲月微茫又昏黃  
平野荒蕪何處斷接天長短籬淺水橘青黃度清香

右海璫詞

閨媛蘇氏

各詞書題曰延安夫人侯鯖錄稱為蘇丞相  
子容之妹蘇頌字子容同安人花草粹篇又

稱延安李氏蓋  
其婿為李姓也

浣溪紗

無力薔薇帶雨低多情胡蝶趁花飛流水飄香乳燕啼

依

南浦魂銷春不管東陽衣減鏡先知小樓今夜月依

更漏子

寄季玉妹

小闌干深院宇依舊當時別處朱戶鎖玉樓空一簾霜  
日紅 弄珠江何處是望斷碧雲無際凝淚眼出重城  
隔溪羌笛聲

鵲橋仙

寄季順妹

星移斗轉玉蟾西下漸覺東郊向曉馬嘶人語隔霜林  
望千里長安古道 珠宮姊妹相逢方信別後十分瘦  
了上林歸去正花時爭奈向花前人老

踏莎行 寄妹

孤館深沈嫩寒天氣解鞍獨自闌干倚暗香浮動月黃  
昏落梅風送沾衣袂 待寫紅箋憑誰與寄先教覓取  
嬉遊地到家正是晚春時小桃花下拚沈醉

臨江仙 立春寄季順妹

一夜東風穿繡戶融融暖應佳時春來何處最先知平  
明堤上柳染遍鬱金枝 姊妹嬉遊時節近今朝應怨  
來遲憑誰說與到家期玉釵頭上勝留待遠人歸

蝶戀花 暫止東昌館寄姊妹此闕或誤題李易安

淚搵征衣脂粉暖四疊陽關唱了千千遍人道山長山

又斷蕭蕭微雨聞孤館 惜別傷離方寸亂忘了臨行  
酒殘深和淺若有音書憑過雁東萊不似蓬萊遠

右花草粹篇

阮氏 阮逸女逸建陽人皇祐中以典樂遷屯田郎

花心動

仙苑春濃小桃開枝枝已堪攀折乍雨乍晴輕暖輕寒  
漸近賞花時節柳搖臺榭東風軟簾櫳靜幽禽調舌斷  
魂遠閑尋翠逕頓成愁絕 此恨無人共說還立盡黃  
昏寸心空切強整繡衾獨掩朱屏簟枕爲誰鋪設夜長  
宮漏傳聲遠紗窗映銀釭明滅夢回處梅梢半籠淡月

右花草粹篇草堂以石刻魚游春水調題為阮氏者誤

孫

氏崇安黃雲軒室黃銖母自號冲虛居士

滴滴金

梅

月光飛入林前屋風策策度庭竹夜半江城擊柝聲動  
寒梢栖宿 等閑老去年華促只有江梅伴幽獨夢遶  
夷門舊家山恨驚回難續

醉蓬萊

力修寶學宴胡明仲侍郎乞詞代作

看鷗翻波濺蘋末風輕水軒消暑雲疊奇峯破桐陰亭  
午列岫連環溜泉鳴玉對幅巾芒屨况有清時風流故  
舊劇談揮塵 才冠一時論高兩漢書扇豪蹤吐鳳詞

語畫錦歸來慶長年老母且盡綠尊莫懷歸興聽扇歌  
高舉會見登庸泥封詔下促朝天去

菩薩蠻

闌干六曲天圍碧松風亭下梅初白臘盡見春回寒梢  
花又開 曲瓊閑不捲沈燎孤星轉凝竚小徘徊雲間  
征雁來

憶少年

送葛氏姪女

雨晴雲劍烟光澹蕩遙山凝碧驅車問征路賞春風南  
陌 正雨後梨花幽艷白悔匆匆過了寒食歸家漸春  
暮探茶蘼消息

憶秦娥

季溫歸樵陽書寄

秋寂寞秋風夜雨傷離索傷離索老懷無奈淚珠零落  
故人一去無期約尺書忽寄西飛鶴西飛鶴故人何  
在水村山郭

醉思仙

寓居妙湛悼亡作

晚霞紅看山迷暮靄烟暗孤松動翩翩風袂輕若驚鴻  
心似鏡髻如雲弄清影月明中漫悲涼歲冉冉薜華潛  
改衰容前事銷凝久十年光景匆匆念雲軒一夢回  
首春空彩鳳遠玉簫寒夜悄悄恨無窮歎黃塵久埋玉  
斷腸揮淚東風

右遊宦紀聞

如夢令

宮詞

翠栢紅蕉影亂月上朱闌一半風自碧空來吹落歌珠  
一串不見不見人被繡簾遮斷

清平樂

雪

悠悠颺颺做盡輕模樣半夜蕭蕭窗外響多在梅邊竹  
上朱樓向曉簾開六花片片飛來無奈熏爐烟氣騰  
騰扶上金釵

右花草粹篇

風言鈔卷四終



